

瑞金縣志卷十六

武進張國英重修

雜志

祥異

兵寇

記聞

舊志告諭書目附

事有不必以類從者而天道人事之消長亦不諱言事有不可以類分者而山經齊諧之記載亦資談屑由正志而區別之卽瑣聞而彙誌之名曰雜志首祥異而洪範之休咎得有徵焉次兵寇而萑苻之奸宄得以懲焉又次而記聞則固嗜古之儒好奇之士旁搜遠采以及二三故老豆棚瓜架傳述舊聞亦有關於山川風土者敢云無稽勿聽

瑞金縣志

卷十六

雜志

一

乎作雜志

祥異

膏露醴泉器車圖馬禮之所以紀嘉瑞也而蛇鬪於鄭鷓退於宋石言於晉神降於莘見諸左氏傳者未必盡浮夸之詞蓋亦信而可徵矣自後世讖緯書出誕漫附會不可究詰先儒嘗闢其非而其事則未嘗無特不可穿鑿於其間耳謹依舊志而存之

元以前無考

明洪武十年春大水衝入城市邑前浮橋漂散無存

嘉靖十三年冬地震自東南抵西北城郭房宇搖動有聲十

五年大水氾漲衝散浮橋十七年大旱二十四年五月至

瑞金縣志

卷十六

祥異

二

六月不兩饑斗米值銀一錢二十五年秋七月泮池產二

蟾蜍色白如玉見者異之二十九年夏地大震三十五年

四月十八日大水平地深一丈雲龍羅溪二橋盡圯二十

三日大水又增三尺衝壞田地漂沒廬舍無算四十一年

四月大水平地丈餘

萬歷十四年四月十八日大水平地深丈餘雲龍石橋圯壞

二十三年雲龍橋火延及兩岸民居二十八年地震甲寅

年旱次年大饑知縣潘舜歷詳請發倉穀散賑又捐貲買

穀助賑民賴存活丙申五月初四日大雨溪水暴漲浸入

城市田廬多衝壞

崇禎癸未黑眚見狀如驢馬人因呼爲馬驢精每從南方起至北漸沒緣屋獵獵有聲或拋擲瓦片小兒遭之多死夜羣擊鑼鼓聲以厭之

國朝順治二年夜聞空中有聲如大砲俗呼天銃響四年四月連雨二日不甚大山水驟發忽深數丈房屋多淹沒十八年二月水南高桂街火焰飛至北岸延燒南樓及城內外房屋

康熙十二年北城外火延及城內燒燬民房數百家二十一年九月甘露降松竇庵四十餘日僧采若建甘露閣甯都魏和公紀其事二十九年十一月雪積三尺餘木盡痿宣

瑞金縣志

卷十六

祥異

三

文門外官潭凍合可通行人三十四年正月霽雨至五月初三尋大旱河竭泉枯禾盡槁九月二十七日始雨三十三年大饑民皆屑糝糠和泥而食死者相枕藉四十三年二月二十七日炎熱如蒸行人皆裸晝驟風雨寒砭肌骨入山採樵及行路者多僵死是年智鄉黃柏羣虎白日攫人獵者蹤跡之不可得連歲爲害四十四年七月地震移時是年河背街火燔厩舍百餘間四十五年五月初一日洪水暴漲山崩裂水從穴湧平地高二丈許西城崩數十丈雲龍石橋衝塌四甕長十餘丈田廬官廨漂沒男女淹死無算水退後陰雨十餘日九月怪風拔合抱木起空中

墜壓民舍四十七年正月十六夜月初升有白光東月腰
如帶繚繞二月二十九星隕於南大如斗旋散作小星四
出墜地

雍正元年七月十八日大水田廬衝壞無算

乾隆七年十一月十一日雲龍橋火燒燬木橋店鋪數十間
損壞兩頭石橋十三年正月至四月初旬無雨河水皆涸
四月十八雨民始種插十五年三月二十八日大水平地
深丈餘十六年五月十二日大水十七年二月至四月大
饑斗米值錢三百五十文十二月雨至十八年二月初十
方霽旋復雨半月餘五月六月旱

瑞金縣志

卷十六

祥異

四

道光五年秋七月初八夜彗星東見十一年二月廿八北關
外直街災焚燬店鋪甚多十三年冬十月凍雨陰晦連月
不霽旋大雪深尺餘途冰壯結行稍不戒即滑仆草木晶
嵌如綴玉檐溜堅尋尺樟榕擗隕禽鳥多凍僵十一月十
二月復大雪至臘尤甚十四年春元旦大雨雪甚於前初
七日始霽陰崖凍積經暑多未消夏大饑米價驟昂每升
值錢百六七十至有采食草葉糠泥者道殣相望秋大疫
廿二年秋七月初七日辰晦驟雨傾瀉夜半洪水泛漲城
內深數尺漂沒田廬甚多廿四年冬十一月廿四日南岸
災焚燬糶米街店鋪數十家雲龍橋頭趙公廟亦被燬廿

八年夏六月大白午見

咸豐元年春三月南岸米舖母貓銜鼠子舖雛雛死母貓乳子如己生皆肥大馴擾四年春大饑秋七月城鄉倉廩皆生小白蟲頭黑喙紫蠕如蠹穀蝕小孔粒屑粉衆懼禱祀乃無恙八月大疫冬十月李桃實六年秋七月既望櫬槍星西見芒銳尋丈七年夏四月驟雨泛漲雲龍橋石梁塌崩數丈秋七月每將夕有黑裊覆亘西北似烟非烟濃團墨瀋數旬漸低仰承餘照與暮嵐暝霧相摩盪八年春元旦辰晦大雷電雨雹洪水驟漲秋七月有大星孛於北及漢日移度月餘入於西十年夏五月異峰獅巖鳴聲震如

瑞金縣志

卷十六

祥異

五

吹螺六月十三夜月如晝四鼓忽陰晦雷電大雨雹邑南山崩極多泉從涌噴蚊水怒漲入城數尺衝壅田廬樹木根拔無數羅溪石橋及上下湖陂各鄉陂堰多被衝塌

同治元年春元旦大雨雪連旬平地尺餘夏四月廿三日綿江書院外古井鳴冬無霜十一月廿八辰晦如翳震電邑南大雨雹午虹北見二年冬除夕大雨雪三年春元旦大雨雪連旬不霽平地深尺餘十三夜大雷電雨雪尤甚十八夜雨雪震電廿一夜震電大雨雪秋九月大疫四年春正月十四日大雪連旬十七夜雨雪震雷廿一夜

大雨雪震電夏四月大饑秋九月十七日北風陰晦有蜻

蜓南飛自辰至暮羣翼蔽空五年秋七月十五夜白虹雙
見亘北西六年春正月廿三辰晦大雷電以風雨雹傾注
如盆盎小亦如卵古樹根拔房屋厭崩無數木陽圍等處
尤芒八年夏四月初六日黎明大雷電雨雹晦如夕辰餐
皆舉燭暴漲入城深數尺西北山崩田禾廬舍衝漂浸壅
者無數冬十二月廿二日黃昏有大星西垂動搖墜聲如
爇爆火光碎燦旋有氣縷騰龍矯翊空若白練與餘霞相
錯十年夏六月廿五日驟雨連日洪水迅漲田廬禾稼浸
淹甚多城內水深尺餘十一年春三月初三日將夕烈風
震電雨雹驟注樹根倒拔房屋崩塌極多秋九月十五夜
華雲爛星輝絢蒸祥彩是日

瑞金縣志

卷十六 祥異

六

國慶咸以姮娥垂象效靈獻瑞云十二年秋八月初一日辰起
虎竄南郊黃岡衆搏之連日城東之黃荆圯鵝嶺聶公墳
二虎晝出捕犬豕冬十月初一日雨粟膚堅黑稜紫粒白
如麥味苦辣烹食不下咽十一月十三日大雨雪連旬十
三年夏五月十八日有星孛於乾及斗秋七月廿八日虹
南見冬十月十四日雨雪十二月十四日大雨雪連日深
尺餘

兵寇

瑞巖邑也當閩粵衝自宋及元明嘗數被兵患然皆寇盜竊發乘間剽掠或小醜跳梁負隅蠢動一經大兵戾止如發蒙振落旋即蕩平然而民已受其害矣我

朝大功耆定海宇义安自康熙十七年逆藩伏誅後世享

承平人皆賣刀買犢賣劍買牛熙熙然安耕鑿之樂者百有餘年迨嘉慶八年甯都會匪滋事句結瑞邑奸民官茂文等煽惑無知之輩思欲乘間竊發未及舉事旋就撲滅此後安民樂業者又多歷年迺自咸豐初髮逆盤踞金陵蔓延各省擾江右者多由閩粵往來瑞邑迭次被災雖極力

瑞金縣志

卷十六

兵寇

七

防禦終難遏止幸逢

國運昌隆渠魁既殲賫從旋散盡矣第梟獍伏辜四方雖已肅清而區區僻壤自咸豐六年至同治三年其間出力禦寇捐軀殉難者視往昔正復不少是不可以不志也因詳其事於舊志兵寇之後

宋建炎中周十隆張大閑謝凱尹寶謝小鬼等攻破興國雩都虔化瑞金等縣安撫使李綱遣州將何榮申討之復興國縣追至贛縣界殺死賊五百餘人後統制官李貴入寨招諭其黨悉就撫而十隆不從至紹興十一年始定

紹定二年己丑九月石城張遇龍文勝反於平固連破石城甯瑞興雩五縣安撫李壽明通判趙彥覃督兵討平之景炎元年冬十月文信國帥師次於汀州時元兵侵徧贛寇猖獗血汗閩廣之路瑞金被害尤甚

舊按宋史紀事德祐二年十月天祥帥師次汀州遣趙時賞等將一軍趨贛取寧都吳浚將一軍取雩都豫章

瑞金縣志

卷十六

兵寇

八

書二月元隲吉撫城存隆興以汀州兵戍瑞金縣宋史宏簡錄端宗景炎二年春正月吳浚棄瑞金遁鎮撫孔遵入之浚尋還汀州降舊志不詳今補錄

至正十三年閩寇犯境官宇民舍悉爲煨燼

明洪武十八年廣寇周三官作亂人民逃竄田地荒蕪

成化二十年廣閩流寇犯境入瑞金總捕同知王廷珪督民

快禦之爲所害

此條從白中丞西江志補入

二十三年羣盜鴟張燬民廬舍

宏治十八年元旦廣寇破城知縣萬琛率衆禦賊死之

正德五年安遠賊何積玉葉芳寇境

嘉靖十八年六月十八日賊寇陳輦

舊按江西大志嘉靖十八年流賊劉松一等六十餘衆劫掠瑞金縣陳輦諸處知縣王鈺率義勇兵快擒之明年團溪山賊首劉操等劫掠甯都瑞金二縣鈺督兵生擒操等三十餘人解赴軍門舊志團溪山失載而劉松一並不載其名與王鈺之功今補正

三十六年十二月二十二日廣寇梁能總衆三千由鷺公嶼掠壬田寨經過山壩雞犬一空

四十年閩寇犯境

四十二年程鄉賊溫鑑等趨瑞金過嶺北道副使李佑兵

瑞金縣志

卷十六

兵寇

九

三戰皆敗奔歸程鄉

四十三年廣寇梁道輝劫壬田寨

崇禎四年辛未廣賊鍾凌秀扎營南岡逼城越一月通縣選集排門及各鄉義勇有僧守宗及江曰吾等出兵攻之殺賊數十人焚其營賊遁去以後賊至瑞金惟劫掠鄉村不敢近城

五年壬申廣賊鍾凌秀由本縣鄉間過甯都僧守宗及江向吾統率闔邑義勇追趕至黃石礮二人死於陣排門義勇死者數百餘人

十五年壬午廣賊閻王總鍋刀總番天營猪婆總等沿劫

各鄉村

國朝順治二年廣賊謝志良假稱官兵道由瑞邑人不設備及至擄掠城外財物一空圍城數匝居民恐賊屯住自焚附近城屋賊亦縱火焚燬畧盡乃去

三年丙戌春何志源沈士昌作亂鳩集八鄉立百總千總之號名曰田兵脅制田主更券欲踞田吞租知縣劉翼利其賂而主之府刑官某攝篆瑞金田賊閉城拒不得入又殺職方主事某適統兵楊斌至邑人籲請勦賊斌許之殺何志源等數十人沈士昌逸去後復集八鄉奸民報仇城外房屋盡爲焚燬墳墓被掘鞭撻屍首總兵周之蕃自吉瑞金縣志

卷十六 兵寇

十

安歸乃爲講好豎碑縣門悉徇田賊所欲勒以爲例是歲八月我

大清兵追唐藩至汀州瑞金聞警闔城逃竄邑人江振曦與弟江二統衆數千人入汀爲唐藩聲援爲大兵所殲江二死於七里橋振曦逃免

四年丁亥知縣徐珩至佃人負固如前僧敬心及徐自成所行尤不法珩令生員劉廷弼捕二人斬之田總張勝復煽八鄉田賊攻城併焚城外餘屋徐請兵虔院發馬步兵五百人破其山寨勦殺五六千人害始除

舊按田賊之害雖由奸民鼓衆倡亂亦由當時有司姑

息縱奸所致其設心以爲田主之勢足以欺壓佃戶必有額外苛索故力爲鋤抑以博不畏疆禦之名不知此在江浙撫吉諸處勢家宦族容或有之若贛屬則佃強主弱事勢迥別如不察其土俗而一概施之豈惟教獠升木是直傅虎以翼也如何志源沈士昌距今百有餘年故老談之尙爲寒心乃其流毒餘孽至今猶未全息康熙中訟連禍結經各大憲嚴加懲創煌煌明示勒碑縣門謂可永守勿失乃雍正七年有皖人來爲郡守無荆公之學術而有其執拘意在偏袒下戶奸徒窺見意旨遂乘釁而動聚諸遊手沿鄉科斂按畝索錢挺身爲

詞首創立名款用誣田主其大端則以革批賃桶子白水爲詞郡守信之檄行各縣悉爲革除以致主佃相獄累歲未已不知批賃者瑞邑之田價重租輕大約佃戶所獲三倍於田主又有晚造豆麥油菜及種煙與薯芋薑菜之利例不收租田主旣費重價又納糧差凡陂塘水利歲有修理佃戶一切不與故於批耕之時量出些微以少答田主之重費嗣後十年一次尙不及百分之一未爲過也況必經一番批賃稍可清釐積欠查明界址庶無換墩移坵指鹿爲馬情弊非無故而生出枝節也若歷久總不換批則佃佔主業拋荒失界百弊叢生

矣若所謂白水其田原無灌蔭田主自爲開濬山塘或障截溪澗所費不貲例應主七佃三佃戶一時不能措辦田主寬其限期許於納租時量出花利若干謂之白水此田主寬恤之德反以爲苛虐可乎若桶子卽正租也官桶收租天下通例瑞所用鄉桶較官桶差小

每鄉桶

三斗六升三桶爲一石合之得十斗八升較之官桶雖多八升但鄉斗止八升三合計每石實少一斗七升加以所餘八升作六升六合應補正桶若干謂之桶子非實應補官桶一斗零四合

正租外別有桶子也此公不知偏聽彼言是時奉行者又不能詳察底裏惟恐稍拂上官之意遂謂每畝正租止容一石一石外多餘升合卽爲白水一概減去夫察

田肥磽作賦輕重自禹貢以來未之有改乃不論田之上下概以一石爲限豈通論乎况瑞邑下田有不足一石之租者又何從而取足一石乎幸而此公旋去各上憲洞悉情弊力懲奸徒刁風漸息不然不釀成大亂不止也然批賃一革至今尙未議復而逋租霸耕之訟日積於下懦弱儒生有業不能自主者多矣豈非偏執之過哉

五年戊子江西金聲桓王得仁叛邑奸民假名起義招聯廣賊閻王總等欲先服瑞金參將馬某統兵五百駐邑每出兵斬獲甚多賊屢喪氣時閻王總扎營招召卿王昌扎

營九堡六月江振曦擁僞官楊聯芳蒞任陳兵壓境誘巡
檢陳宏先教官龔一鵬殺之又指名索城中三人出欲脅
令助餉鄉兵奮力出鬪斬曦弟江三揭首於竿支解其尸
振曦怒乃召集閩賊鍾四總及各縣山賊合五六萬聲言
城破無老幼皆屠之邑人楊天極等盡出己貲懸賞購賊
黃白二哨鄉勇奮力爭先每日斃賊數十人賊不敢逼城
城外樹柵爲守圍四閱月乞師於贛七次時金聲桓攻贛
甚急無兵救援生員朱璣胡奉訓同溫京廉鄧魁華復乞
師於汀時陸路皆賊兵把守乞師者皆於水中潛往晝伏
宵行凡經十二次汀鎮賀始遣遊擊李應進將兵擊賊圍

始解

舊按振曦於明季曾官把總其兄弟之沒也鄰邑之士
嘗輓之以詩有洒血西風慘不開之句其後人謂可少
掩其賊名不知頑民暴虐無辜流毒桑梓即使奉命興
師猶不能不干王朝之誅况其爲揭竿持挺之衆乎原
江氏入汀以赴唐藩之急也雖罔知逆順不量兵力以
致殲其師戮其弟猶託於跖大吠堯之義鄰士不察哀
其志而弔以詩未足據也乃其後乘金王之變招聯閩
廣劇賊肆行叛亂殺官劫民備極慘酷以致合城痛恨
生致其季弟而輾裂之曦尤不悛愈加威虐圍城四閱

月使非朱胡溫鄧諸公瀝血秦廷則救兵不至合城老
幼不將盡爲鯨鯢也若振曦者所謂假名義以濟其惡
者也至今邑人呼之爲江賊夫豈枉哉

七年庚寅劇盜釋超忠據銅鉢山陳其綸據大柏地聲勢
相倚知縣錢江計誘超忠縛之以怵其綸其綸陽聽命橫
行如故又許勝可合閩寇劉芳羅承俊等據羅漢巖勢張
甚至十一年甲午知縣錢江遣生員謝孔傳呈請贛樵宜
永貴發兵圍羅漢巖擒許勝可并誅閩寇明年進兵攻陳
其綸其綸敗走鄉勇斬其首以獻賊始平

右二條俱贛州府兵寇志西江志采入武事縣舊志順

瑞金縣志

卷十六 兵寇

十四

治八年壬田寨許勝可招集廣賊鍾四總而不及劉芳
二人又云虔撫宜知其新禾未登寨中乏食十一年六
月興師圍其寨夫因糧匱而乘隙則刻不容緩乃知其
乏食載於十一年之前而興師直遲之六月殊爲不倫
且又不及其綸之滅故悉芟之而從白志

康熙十五年汀州叛將劉應麟受僞將軍印統兵據瑞一年

擄掠財物米穀搬運赴汀

先是十三年耿逆蠢動劉應麟據城以應聲言直取贛州取道

瑞金合邑驚恐時知縣霍禹謨同紳士耆等僉舉生
王三聯蕭鳴岐二人前往偵探以便設備賊執鳴岐殺之
拘三聯於營索賄三聯以己財徧賂頭目二人乘間說之
無遽離汀郡賊信之邑得以從容設備皆二人之功也

十七年戊午逆藩吳三桂僞總兵韓大任從吉安奔寧都

欲走福建經過邑之湖陂遇大兵於老虎嶼殺傷無算積尸滿山谷大任敗走佟大將軍率馬步數萬追至汀州大任赴親王帳下投誠大將軍師回駐瑞兩月有餘而後移屯以去

上督府田賊始末

楊兆年 邑人

瑞金山邑也城如斗大巨族市肆皆在城外無他產殖惟樹五穀承平之時家給人足閩廣及各府之人視爲樂土繩繩相引僑居此地土著之人爲士爲民而農者商者牙儉者衙胥者皆客籍也卽黔徒劇賊竄匿其中亦無分別明季謝閩二賊交熾凡閩廣僑居者思應之皂隸何志源應

瑞金縣志

卷十六

兵寇

十五

捕張勝庫吏徐磯廣東亡命徐自成潘宗賜本境慣盜范文貞等效甯化石城故事倡立田兵旗幟號色皆書八鄉均佃均之云者欲三分田主之田而以一分爲佃人耕田之本其所耕之田田主有易姓而佃夫無易人永爲世業凡畚插之家苟有齟齬立焚其屋殺其人故悍者倡先懦者陪後皆蟻聚入城逼縣官印均田帖以數萬計收五門鎖鑰將盡擄城中人贛刑廳湯公應龍來署篆何志源陳兵拒阻不容入城賴客將楊公元斌斬之城中人幸獲安堵張勝沈士昌等復率衆攻城盡焚城外房屋殺生員謝某等人以數百計挖危宅劉宅墳冢剖棺出屍植立樹下

漳南道李公之秀聞亂同職方司主事呂公某來瑞招撫張勝等圍繞砍職方七刀奪漳南道印盡閉諸從役而焚之環城三匝不許城中人樵採適大司馬郭公維經以援虔至汀張勝沈士昌等遣數百人入汀泣懇田主取租激反佃人狀大司馬主先入之言大恚糧戶至瑞金田賊數萬人復阻截離城二里外寺駐車讒聳百端自城至寺皆田賊布繞城中紳衿百姓閉城謹守不敢出城惟從城上呼籲不能懇一言而張沈誑副總周之藩若蒙招撫八鄉可得八萬人自備糗糧願隨行援虔周之藩自以爲功力言之大司馬而張沈又賄大司馬幕客招撫花紅盡以與

公幕客遂誑大司馬言瑞金佃兵慣與閩謝賊打仗若撫之鼓行而東必得志大司馬心益喜責糧戶出招撫花紅七百兩命周之藩勒糧戶出城與張沈等立盟捐減額租除年節等項舊例糧戶不敢出一言唯唯而已然大司馬至虔數月並未見一佃兵來援在鄉擄掠焚殺不改前非此順治三年夏秋事也贛府未入職方閩兵先定瑞金李侯署事查各鄉剃髮事潘宗賜連殺差役九人李侯請汀兵誅討乃先潛遁往漳南道暨兩總鎮前告李侯及捕官幸蒙審實姑宥其死招卷具存今縣令徐侯蒞任瑞始屬贛徐侯檄張勝沈士昌到縣許以維新書告示數百張使

馳勸諭八鄉捐其逋租假張沈以農官之號適閩甯化田賊王通石城田賊廖須明復約瑞金昔稱八鄉均佃者烏合以應閩寇命僧鏡心與徐自成持劄遍告八鄉復遣牌入城云太兵四十八萬卽日臨瑞適鄉人夜斬鏡心徐自成擁衆來奪生員劉廷弼擒之張勝范文貞等乃蟻聚八鄉舊賊號集耕夫并約閩總五鎮謝泰禎王海明凌得三楊建所袁萬金尅日攻城時值洪水崩城數十丈城中紳衿日夜守禦佃賊口夜攻圍桃陽營兵以久不得餉致怨張范誘之共叛急圍攻城盡焚城外新構房屋城幾危者數矣徐侯乃請贛兵救瑞營兵悔禍夜誘張勝與飲斬其

頭來歸明晨劉徐兩鎮兵雲集營賊奔軼兵追殺田賊斬萬總張俊明於陣中其餘烏獸散越日廖須明率賊來援鎮兵迎其塵盡殲焉廖須明遁走越日破石背寨石灰山悉誅其境之渠魁者凌得三願擒謝王等贖罪後爲王海明所殺謝王楊袁潘宗賜今皆伏誅獨范文貞何廷徐磯等奔石城地界依廖賊爲巢穴不能擒獲八鄉强悍者尙懷觀望而愚頑者亦隨風抗順田主三年不能收租日貧日餒兵寇數載戰守饗士費不可支今日瑞金之民徒有軀壳神氣已久盡矣如行屍如象人一遇疾風便已傾仆若死灰復然揭竿而起瑞城之民無復孑遺懇擒滅渠魁

使餘黨無觀望之心不解自散則地方安靖而寬仁愷悌
培養元氣庶戶口漸繁而富教可俟矣

從舊志錄出

嘉慶八年十月癸亥甯都石城廣昌教匪廖榦周李步高賴
達忠等滋事本境大川匪徒官茂文洪雨球壬田寨匪徒
蕭立南方上芹等謀爲響應代理縣事署甯都州判湯
煦督同把總葉秀芹湖陂巡檢王國瑞及兵役鄉勇捕擒
之解赴撫憲秦行轅審明將官茂文等四首犯斬決梟
示餘犯六名發遣代理知縣湯煦以辦理鎮靜優敘升用
按江西各屬邪匪蔓延始於奸民吳子祥編造大乘大
戒經本在貴溪安仁臨川廣豐弋陽鉛山等縣詐騙愚

民並傳授福建甯縣民李凌魁爲徒吳子祥死後李
凌魁復遇福建邵武縣民吳韜傳授天地會內暗號另
造陰盤陽盤名曰暗藏天地二字轉傳江西廣昌縣民
賴達忠石城縣民廖榦周李奇天甯都州民李步高胡
儀書王定珍入教李凌魁自稱後唐天子轉世傳有秘
訣四句荒誕不經密爲煽誘欲於子丑年間起事嘉慶
八年七月福建省拏獲李凌魁正法廖榦周等均各歎
息互相商謀妄稱嘉慶八年十月十二日亥時係癸亥
癸亥癸酉癸亥爲萬水朝宗之日豎立唐天子旗號私
造如意圖書號票分給徒衆轉散餘黨又以會合之時

有同教素未識面彼此不知姓名者總用硃畫三叉白布包頭爲記議定廖榘周李步高賴達忠等在廣昌甯都石城與福建連界之姚坊村豎旗舉事李奇天等各往所往村莊豎旗糾人前往接應各帶矛頭短刀竹鎗先搶廣昌縣驛前堡以爲巢穴廖榘周之徒徐先保等轉糾同教三百四十餘人李步高之徒溫志貼等轉糾同教二百餘人賴達忠之徒賴漢魁等轉糾同教三百餘人李奇天之徒李鸞高等轉糾同教二百餘人胡儀書之徒陳順明等轉糾同教二百餘人王定珍之徒官茂文等轉糾同教二百八十餘人約共一千五百餘人

廖榘周自稱大總管李步高賴達忠李奇天胡儀書王定珍爲大頭目等候臨期舉事不期十月初八以後連日大雨如注廖榘周李步高賴達忠等同至姚坊聚集四百餘人李奇天胡儀書王定珍並所約匪黨均爲雨阻不能如期畢至廖榘周等十二日亥時在姚坊姚氏宗祠祭旗卽被大風將旗吹折各匪膽寒心怯思暫時散歸另行擇日起事於時驛前堡紳耆士庶先期探知赴縣具報地方文武差探得實密諭紳耆等雨夜團集鄉勇設卡嚴密防範卽於十二日夜帶領兵役前往十三日早驛前鄉勇探知兵役已到俱各奮勇爭先掩捕

匪等猝不及防踉蹌抵敵經鄉勇奮力勦殺卽殲斃賴達忠等五十七名生擒賴漢魁等一百零四名兵勇受傷十九人鄉勇陣亡四人餘匪紛紛逃竄各卡鄉勇遇有白布裹頭及收藏號票旗幟之犯查拏截殺又殲斃二百六十三名陸續擒獲送官者二十三名其甯都石城二屬爲雨阻隔各犯有率領徒衆前往姚坊會齊者有探知廖榦周等業已打敗中途潛回者有甫在村中豎旗卽被族鄰查知者以及姚坊打敗逃回各犯州縣文武員弁已有風聞分派兵役密諭鄉勇沿路設卡防範賊勢不能聯絡鄉勇人等見有白布裹頭攜帶軍器及搜獲逆詞旗號查拏截殺計甯都州境內殲斃二百五十六名陸續擒送三百一十八名受傷鄉勇六人石城縣境內殲斃三百六十名陸續擒送一百二十九名受傷鄉勇二十三人此外瑞金縣拏獲十名永豐縣六名福建建甯縣拏獲一名經巡撫秦承恩按察使衡齡按臨甯都提集各犯審明將廖榦周李步周賴達忠李奇天胡儀書王定珍六名凌遲戮屍賴漢魁等七十九名斬決許青福等三百一十六名問擬發遣

新增

咸豐三年癸丑粵西髮逆洪秀泉旣越湖襄踞金陵分遣所

部僞翼王石達開寇擾江西石城奸民潘秩東等乘機滋事謀爲響應而我邑土匪爲所煽動亦騷然不靖時知縣事者爲劉公遵侃適奉 上憲檄令團練爰謀及邑紳鍾觀濂楊世秀捐資倡首在城設局令楊元□楊會辰賴顯仍劉秀葵勸各戶助需選壯丁充勇率以勦捕捕得者杖殺之匪首朱蘭香楊家騰賴士榮脫網潛遁羣匪斂跡咸豐六年丙辰邑南鄉謝坊土匪劉大珠等聞粵逆股匪攻破吉安進圍贛州其另股分竄撫建諸州縣復招集流亡揭竿起事攻撲會昌邑城代理縣黃公曾慰聞牒札令局紳鍾觀濂楊世秀等發勇援勦適河水漲以舟載師頃刻抵境直搗賊巢焚其廬舍賊聞之欲歸無路始解圍如鳥獸散至有投入髮逆大夥者於是復命各鄉設局團練互相聯絡肅內防外籌畫益密

咸豐七年丁巳春三月粵逆股匪自建昌分股竄踞甯都石城兩城接次雩都及隣境之汀州先後報失守瑞金環三面受敵令邑戒嚴知縣黃公曾慰檄令各鄉團局就近嚴密防堵四月初七復有股匪來雩境以青布裹頭號曰黑頭甚兇惡由雩都之禾豐走梓山逼承日江爲萬田團紳袁成鵬勇隊擊退旋由龍頭埧竄入智鄉意欲徑撲邑城復經團紳陳芳等約集丁陂團紳陳銘等並督帶司前長

沙等處練勇沿路堵住是時黃公曾慰方憂西顧親詣九堡調勇三百意欲督往策應不料石城屯匪已於四月十六日分遣僞檢點賴逆股匪潛入湖陂境襲殺防堵勇目賴顯宣直趨壬田寨永鎮營都司清平帶勇戰敗退入城黃公聞警亦自九堡帶所調勇星夜馳回方與局紳共議守禦策而賊已於次日黎明分三隊長驅至郊其頭隊從平坊渡河由波羅面岡先衝夏塘團紳賴掄魁領親勇先當其衝奮力勦殺擒斬紅衣賊目一名奪其馬騎以殺賊賊稍却策馬追之陷於溝賊回以長矛攢刺之遂遇害衆勇多所陣亡賊遂入夏塘四面放火婦女有未及逃者俱

挽手赴水死黃公在城聞變急帶勇出西門接戰而賊之後隊復擁至北門斬關入城從城內放火殺出黃公腹背受敵幸九堡團紳鍾化鵬督勇力戰殺出重圍保護渡河迂道退入九堡城遂失守適鍾觀濂楊世秀亦帶勇退至九堡遂共圖克復之策濂秀二人許助貲而以其事屬九堡團紳鍾章玕玕先已奉諭與其鄉紳鍾彥鍾遇隆劉鯤等開局團練至是益出貲激勸命生員鍾麟鍾庚部署軍事并稟請憲檄號召萬田沿坵等處鄉勇協力合勦謀成賊適至遂率勇敗之於石螺嶺追斬二百餘級時則四月廿四日也自賊之踞城也每出城擄掠名曰打先鋒所至

鷄犬不留男女躲不及輒被俘去有監生楊于濤者被執不屈罵賊死生員胡國奏亦爲所戕衆不堪其苦賊以土匪郭帶發子鍾文意言官駐九堡遂思入犯蠡擁至村口卽爲鄉勇所敗賊勢以殺且聞各處俱振奮思殺賊遂不敢復出城

四月廿七日知縣黃曾慰令九堡勇及沿埧勇至城勦賊沿埧曾成璨勇隊先至遂前驅直叩城下賊閉城從城上放礮傷勇百餘人

五月初四日九堡勇復出攻賊戰於觀音嶺鎗傷賊首僞檢點賴逆并炮斃僞將軍甯逆大敗之越二日復大戰賊

於十里茅岡萬田沿埧勇從焉賊空城出戰佐以汀州方至股匪分道圍裹我勇結陣於牛形橋拒之生員鍾麟鍾庚親冒鎗礮指呼壯勇左冲右擊殺賊一千餘名鄉勇亦互傷數百賊經此惡戰膽落遂於次日引遁遁之日放火焚燒 聖廟衙署倉庫并沿路民房知縣黃曾慰因帶九堡勇撲滅餘燼收復城池

五月廿八日粵逆僞國宗石姓者自福建武平竄會昌之麻州突至邑境山埧知縣黃曾慰檄令城鄉練勇於石水灣堵禦該地路皆江岸上即高山我勇據險以守賊無路可入潛由暗谷上山獠攀狐竄繞勇後馳至郊屯於城南

黃公以邑城新經前逆蹂躪無一可恃仍退入九堡賊亦不入城駐三日遂行有土匪首鍾林春者遮道留之因以後隊留馬林春係邑無賴在吉安從逆受僞職至是帶所部回遂合石逆所留後隊踞城黃公仍命鍾章玓督帶九堡及沿埧鄉勇并會昌堵口之三標勇環攻之圍三日城下擒其僞將軍曾得才等殺之斬首二千餘收復城池并棄追勦林春餘黨諜知逃慝於潘秩東所據之下衣寨遂移師圍之寨幾破賊發巨礮中傷九堡團紳鍾著并斃勇丁數人始退師維時高排土匪復出截殺勇丁於是復命鍾章玓督帶全軍搜勦焚其巢穴復進屯大栢地與甯都

營兵共圍寨破之土匪自是肅清爰命鍾觀濂楊世秀鍾章玓復在城設局勸城鄉紳富輸貲濟餉而以劉德蕙經理出入黃盛仁修理城垣謀善後馬

九月粵逆股匪回竄甯都圍城另股由白水寨竄圍石城兩處羽書告急黃公曾慰集局紳計議援勦因以陳芳與其族姪陳德聆督帶智鄉團勇救援甯都而以城局全力專圖援石命鍾觀濂鍾章玓楊世秀劉德蕙各選親勇隨都司清平進勦并命楊元應黃炳輝左右戎行於十一月曰出師駐平山連日進攻鏖戰三次初戰楊元應力督楊姓勇鼓銳爭先各勇繼進奪其旗幟馬匹斬獲甚多勇亦

互傷數十次則以鍾姓勇爲前隊亦如之最後有黃田團紳袁高禮者饒努力精技術自率所部飛摩賊壘呼聲動地所至披靡破賊營者九賊盡遁至河適河水暴漲多溺死者遂反作困獸之鬪圍之數重猶仗劍奮呼後以接應未及竟爲賊所擒剗其肉至盡死其勇多隨以死者然賊亦已震驚次日遂解圍遁牒報至甯都賊亦相引遁

十一月粵逆股匪回竄雩都復踞城知縣黃公曾慰調黃田團勇合九堡黃安萬田等處鄉勇堵承口江

八年三月雩都屯匪出城沿河岸路北走至韓信峽作筏渡河防堵勇禦之大小佛嶺賊暗由松樹坪詭道疾馳至官

田遂入萬田越九堡繞官倉下從兔子坑出黃栢旋以城中有備沿途鄉勇接戰不敢駐取道湖陂竄石城路去

九月翼賊石逆部下自建甯竄汀州時知縣章公澍曾在贛帶勇助守城及捧檄帶所舊部千餘人隨以抵任纔數日即聞警謀諸局紳鍾觀濂楊世秀賴顯初發團勇堵大小隘嶺及湖陂等處要口十七日賊從鹵箕坪入直趨壬田寨章公澍率所部沿途接戰賊漫山遍野而來勢莫當遂退入城次日另股匪復由桃陽隘入境經黃鱔口鄉勇堵住遂迂道自新中隘出屯城南遂合前至賊圍城過二日賊至愈衆章公以城中兵少且乏食度難持久遂退入

浮四里旋移入九堡欲與九堡勇合勦時有擒來髮逆供稱賊係僞翼王石逆部下逆自入江蔓延各府州縣所至畏脅衆號百萬嗣以下路官軍雲集屢爲所敗悉約所部棄所踞城隨以行意欲從此取道信豐南安以窺贛州今所至皆其前部翼賊尙未至也章公聞之恐兵少不能敵爰商之局紳鍾章玕乃悉以練勇謹守隘口自與其侄生員鍾祝三國求另捐貲募敢死士二千製備旗幟號衣署曰壽麟請憲令屬生員鍾麟鍾庚督出隘口駐札與章公部下兵互相掎角據隘扼要出奇勦殺各處勇亦據守隘口多有夜出劫殺賊者賊患之於是分兩道取徑會昌往

信豐南安行二十餘日絡繹不絕所過處廬舍一空而黃安之黃鰲嚴被賊放火以烟熏之合寨殲馬至十一月始去盡章公乃收復城池

十年庚申二月賊自粵西回竄由麻州入境至木陽圍不渡江從藍田圍橫度七堡過黃栢走大栢地竄甯都去沿路被田勇截殺贛郡又發勇尾追之是以去速不近城

九月粵逆股匪由粵西地過南安復從會昌麻州來瑞知縣仇松齡聞牒調勇在浮四鄉板坑守口賊分股迂道沿埧於初五日直撲邑城其另股於初九日從高嶺猪腸坑至新中隘時城市避亂者多在隘中不意賊突來多有被

擄掠者罹禍甚慘賊出隘尋復合爲一股先後引去邑人稍歸里

十一月賊由信豐會昌星夜疾行廿八日至浮鄉破涼傘寨次日抵邑南不攻城即趨汀州大路越隘嶺突古城直入汀州汀方院試士商翕集賊利之既得城不去事聞贛南道命前縣章澍并都司黃順來瑞防堵賊聞復分隊守古城時出隘哨探都司黃順見之督勇進勦身先士率陷於賊爲所害

同治三年甲子江浙敗賊自甯都之黃石礮越九墩嶺至大栢地入我境知縣董錫圭聞警急檄局紳發勇堵禦而賊方新敗如金底遊魂且衆止數千無意攻城乃橫行至壬田寨上湖陂由石城打油坪路去疾過不甚擾

八月初二日江浙敗賊僞康王汪逆結連諸賊隊飛奔我邑遂踞城時城中疊經蹂躪殘破不堪城內外居民逃散各築山寨自保知縣董錫圭益令將什物搬入寨中據險以待意欲使賊無所獵食不能久駐也無如汪賊於諸賊中最號驍惡謀知金陵克復遂帶諸賊隊南竄初由河口入我省境徑撲撫州經官兵擊敗屯許灣後爲鮑軍門超部下兵勇所敗追殺百餘里始星夜奔至至則刼掠莫施怒放火燒廬舍近城十餘里多成焦土復驅新擄來者爲

前部擋砲石攻寨親握刃督陣無敢回顧者一日夜連破和順蜈公竹馬將軍旱坑等十餘寨繼以石灰寨曾放砲爲各寨聲援遂卓帳圍之絕其汲道寨衆憊甚九堡紳勇謀救之約乘夜靜攻其不備而賊已知之遂以火箭火筒攻上寨寨中火起老幼號哭震山多有投崖死者其逃者輒被殺積屍數百比九堡援至而賊已回城於是於餘燼中覓其未死者并藏匿巖石者携以入不料賊回城復發勁旅來爭先勇退遂跟入九堡九堡各寨靜守賊不敢動惟潛入山坑小掠是夜五更即出出則被勇伺便於要隘中截其尾殺數十賊皆髮長尺餘賊自是不敢西顧而專

韓進士進春督勇來邑勦賊前部已至九堡其後隊於瑞林寨遇賊大戰不敵仍撤回前部共追賊向雩都縣而汪賊回城度諸寨數被驚擾防備愈嚴急切不能下乃變計欲以利餌之佯出重價誘出交易俱不聽食將乏勢益窘仍盡向甯都去意欲回竄撫建行至洛口遇鮑軍門霆營全軍痛勦之賊死數千人遂棄其器械馬匹連夜回竄瑞金急從桃陽隘達汀州而鮑軍跟踪追至遂駐札邑城而瑞始無風鶴之驚矣復聞汪賊竄漳泉爲閩督左公宗棠所敗豕突狼奔乃躑躅於閩粵之邊界後復襲破嘉應州欲負嵎頑抗而江西閩粵大兵四至環攻之城破汪逆授

首其餘渠魁亦就戮從此南方肅靜而賊患平

記聞

公羊傳曰所見異辭所聞異辭所傳聞又異辭甚矣記載之難也苟不確考其所見所聞而第信傳聞固不免失之譌謬卽聞見皆實而無關於風俗政治人物或下等於幻戲譚科之類轉足以炫耳目惑人心縱有寫生手筆亦不過干寶搜神齊諧志怪已耳故有舊志所載如臧獲邑南王氏子等事皆不濫入茲或仍舊載或錄新采雖偶有異誕而不背於經庶足以信後而爲正俗之一助用昭敬慎之意云爾

縣江氏畜馬十餘匹一日圉人浴一牝馬於江潭馬迸人急

瑞金縣志

卷十六

記聞

三十

流四塞雲合風起水波高丈餘圉人遙見一物光采耀曰鱗甲森然繞馬數匝久之天日開朗風靜水平馬泐至岸圉人牽馬歸向主翁道其異翁叱爲誕明年生駒肉赤如血頭方腹大耳堅春強嘶鳴與凡馬異或曰龍駒也漢志汗血馬生渥洼水中信不誣矣

埤雅廣要

維揚呂倚字夢得少有聲場屋善屬對好古今帖蹭蹬不偶老始以恩補瑞金簿致仕貧無以歸年八十餘唯有一女妻贛人因家焉舊友王禹玉元豐間餉之錢二萬酒十壺倚作啓致謝中有白水真人青州從事之對禹玉極歎賞之東坡過虔貽以詩

潘子眞詩話

呂微仲貶嶺外至虔州瑞金縣卒先是十年前有富人方治
櫬夢偉丈夫冠冕而來曰且輟賢宅富人驚寤微仲過縣
時富人望之乃夢中所見也及卒迺輟其材以殮焉

王鞏
隨手

雜錄

宣和壬寅鄧衍知瑞金於縣之圓通院建六友堂蓋同時丞
方廷實簿張參東尉余誼西尉方監務何常併衍同登政
和甲午進士科云

輿地紀勝

舊按白中丞西江志引此作知甯都於潔襟亭陸公泉
亦云甯都考甯之知縣丞尉並無諸人瑞知縣有鄧衍
宣和中任衍當是衍字之譌而泉與亭別志亦從無及

瑞金縣志

卷十六

記聞

三十一

他邑者茲正其誤以俟博雅君子考焉

皇恩巖名月圓巖有龍穴水巾二珠每秋霽月澄珠時夜出

游水際熒熒然亦神異也

曹學佺一統志勝

龍湖在藍田山湖中有龍

城南吳氏社倉書樓曾爲子朱子寫眞子朱子自題曰蒼頭
已是十年前把鏡回看一悵然履薄臨深諒無幾且將餘
日付殘編署曰慶元庚申二月八日倉州病叟朱熹仲晦
父此與世之所傳者殊異隆慶辛未若愚請諸夫子之十
三世孫石城令江江命取諸家往返逾半載次年春若愚
改建學宮甫落成而夫子之像適至意者瑞之人文由此

其振乎何事之偶值如此古稱嗜慾將至有開必先其信然矣遂刻之中堂與瑞之生儒世世瞻仰以興起於道云

呂若愚
碑識

瑞邑之思補堂壁有縣令箴歲月姓氏不著予至而修堂者厭其殘缺遂堊之丁巳冬堊偶壞露字予異而細讀則至言也因續其首末之缺者補葺壁端觸目驚心庶爲拙者之助出入諷誦又勝石丈袍笏矣箴曰咨爾縣合受天錫祿睠此下民唯令之福眞則必孚虛宜若谷鏡不自照祇能鑒物人不自知從諫勿拂慾不可縱貨不可黷黷貨災生縱慾禍速勿謂剛可長長剛必亡勿謂柔可履履柔者

瑞金縣志

卷十六

記聞

三十二

□剛柔有時卷舒有宜時宜克念願在深思不恕而明不如不明不通而清不如不清如山之重如水之澄如石之堅如松之貞如劍之利如鏡之明如弦之直如稱之平如保赤子永矢必誠其庶無負於令名

潘舜歷題壁

予鄉三寶巖紫陽夫子與二劉讀書處也題跡宛然石扉每一瞻拜殊有深情後至考亭求遺像其雲初出裝潢者三皆夫子自題蓋隨年所寫老壯不同南城社倉之眞蓋夫子晚景圖也予蒞瑞而聞學有刻石齋戒肅拜一薦蘋蘩

申重瑞士當懷景行之思云

潘舜歷朱子遺像書後

元旦夜儼以驅疫男神船則龍頭中間扮雜戲故事後爲龍

尾押以社官土地女神船則鳳頭而焦其尾男婦各持蘭
槳夾左右至人家則索錢物犒勞疾病則架刀山閉黃泉
巫覡之妄所信尤篤

壬田寨有英顯廟俗以九月十三爲神誕自月朔至二十日
墟市百貨駢羅牛馬雞豕充斥郊圻衽帷汗雨傾動遐邇
誕日土人輿輦神像出遊繒棚綵檻炫耀耳自往時縣撥
民壯以防奸暴而奸暴反生自民壯萬歷甲寅潘令舜歷
飭本地巡檢司彈壓其弊乃絕全上

縣廨西北隅七姑廟萬歷甲午石令有聲建祈禱輒應人畏
其赫濯罕入祠內遂至荒敝萬歷丁巳潘令舜歷感其保

瑞金縣志

卷十六 記聞

三十三

護民社翦萊修葺樹亭於前適有孫芝之產因顏曰芝亭
康熙間湘水任澧來爲令題其柱曰卦列八曰坤地道也
母道也厚德下培民物星燦七爲斗文象耶政象耶神通
上映璿璣七姑贛南所通祀初不知所由來全上

談次偶及江振曦圍城往事郭荷亭明府曰文人筆墨不可
妄加編次不可無識江振曦擁僞官陳兵壓境誘命官巡
檢陳宏先教諭龔一鵬殺之又索城中三人者不得集閤
賊及各縣山寇五六萬致城中煮弓掘鼠者四閱月舊志
書曰逆賊己丑志不議其過此可謂是非之公千秋定論
矣今其家因寧化李元仲有江振曦兄弟敗死詩中云養

虎方州投信篆爛羊節鉞豎降旗及顏家眞杲難爲弟洒
血西風慘不開語欲請入忠義志嗟乎桑海遺民之私爲
貽贈寄託牢騷者顧可以淆朝野袞鉞之公哉此筆墨之
不可不慎也

談次偶筆
以上俱黃天策記

楊六逸先生生平純任天真絕不知有欺詐事其家養一馬
偶有病其家人擬賣之交易已成適先生自內出問知其
事乃語具人曰是馬雖有病但公能醫治想不妨買者聞
之卽索回價值家人曰何故告之先生曰馬原有病何可
欺人嘗爲人作文酬以白金先生自數其鉞件若干收之
僕人潛以小鉞易其大者而以大件翦爲兩而竊其一先
瑞金縣志

卷十六 記聞

三十四

生異曰視之訝曰鉞件雖不差但覺昔大而今小何也僕
給之曰來時溼故大今包久而乾故瘦小耳先生曰良然
其盛德如此

辭先生不知何許人康熙甲寅乙卯間流寓瑞金值三逆之
亂土寇風起邑人咸結寨自保一日寇至寨小不足以守
男婦倉皇欲出先生遽止之曰寇逼矣汝輩將安逃令置
水一盂於門而身立其間須臾賊至駭曰遠望明明多少
人共集一寨至此但見一汪清泉何耶歎息而去人以問
先生先生笑而不言一日忽抱其筐中書痛哭哭已焚之
越數日遂卒

戴癩子失其名善醫而嗜酒延之醫者必設酒一器及紙筆數事於坐間切脈已若病可治輒取酒飲之不足頻喚添來既醉乃取紙作草書數十紙皆藥品也書已伏几酣睡半晌而寤乃取前所書藥味散其繁冗畱三五味投之無不立愈若病不可治雖強之飲不飲也人恆以其醒醉驗病之吉凶素與上饒學博楊爾翔友善爾翔患蠱適戴他出病遂劇他醫以爲必無生理無何戴至爾翔與訣戴不應索酒飲家人喜飲之盡數斗徑攜筐出采藥熬汁升許令服是夕下黃水石餘頓愈其他奇驗多類此人欲傳其術者戴笑曰吾有何傳不過熟讀本草耳

危修德少從高體明學醫善決人生死偶同友人宿次日謂人曰某將死昨夕以足加吾腹吾形之脈已絕未幾果卒其餘亦多奇驗然性疎放不拘繩檢喜作詩畫皆隨意漫興無格律字體亦怪異不可辨識人問之每恨曰君何不早問今吾亦忘之矣其方藥亦必有一二味創見者人問之曰卽某藥耳於某書當作此名與善畫人羅泰友善治病得錢卽呼泰共飲有餘隨手置案間或牆隙往往爲人竊去不問也

邑南郭翁者世以捕魚爲業編長木爲排一人立排頭施網一人於排尾撐篙一夕月黑翁出見排尾一人坐焉翁以

爲其件也卽移排至江潭與之言不應斥之乃曰我非爾伴翁曰然則爾何人曰水鬼也翁勿怖我非禍爾者但聽吾往獲魚必倍翁信之果然次晚又至亦如之自是習以爲常一夕忽告曰明晚不復與翁漁矣翁曰何故曰某家媳婦因失物姑責之急將投水死吾得替矣翁識之次日至某家則聞姑媳詬誶聲翁告之故其家駭愕慰安其媳不復出晚鬼至怒曰吾以翁長者故語翁何故壞吾事又遲我三年出世翁曰吾與若狎久不忍遽別勿恚也慰之良久乃已則又同漁如故既三年又曰吾明日又得替矣翁甚勿再壞吾事翁乃勸之曰爾不幸溺於水乃命也旣

自以爲苦何故復害他人爾無害人天必鑒爾反復言之鬼乃悟曰翁言是也明日翁候於水濱有穿青衣者將亂流而渡尼之初不肯止語之故乃還是夜鬼至謝曰吾聽翁言冥曹已悉勅我離水次爲某處社神矣翁暇幸來視我翁如其言往則其地新塑社神果以是日上座翁住至晚見其神服烏紗終袍延翁入曰翁遠來愧無物相贈離此地五里許某樹下有金一窖應王姓某人得翁但往語可少獲謝資翁福薄過十金無受也翁詣王姓告之果獲如其數將與翁均分之翁不可則與以二十金翁受其半而還夫鬼猶可化而况人乎有功於人酬之且不能多取

而况諸非分之財乎貪者可以悟矣

楊都勻公以傑計偕入京時聞某市有善相人者言皆奇中凡求相者至其人皆坐語之必遇大貴人始起立一揖傑至其人卽驚起衆人咸屬目焉徐問曰鄉貫何處答以贛之瑞金人其人卽復坐曰不過一知府耳後公仕至都勻大守卽致仕歸以議征苗功當以副使用公竟不復出曰吾相已先定矣後三十年其弟涉縣公以兼方赴任時過漢口寓驛馬行內市人爭誇公鬚髯美甚當大貴忽一人曰不然此仙鬚也但可享清福耳後丁外艱歸不復赴補頤養數十年方終人咸謂地之能囿人也如此或曰此二

瑞金縣志

卷十六

記聞

三十七

公之恬於仕進借術士言以遂其高尚耳

邑西長埠山麓有泉一泓俗呼天井渦周圍約廣二三丈深五六尺而止以石投之其聲隱隱隆隆歷久未已橫擲之雖大力者僅及中央不能越過彼岸有漁人肩鷓鴣過此一飛入渦中汨沒良久遂不復出次日乃見於郭公灣溪內溪距長埠二十餘里一路平疇廣畝豈泉脈中通與然溪水濁則渦水亦濁豈泥沙之滓亦有激之而上者與此則不可解也

邑人楊季重年三十七死於贛州後二年會昌賴稽立同衆人於館內請乩仙書一詩云斜陽樹樹罩寒煙春雨春風

灑墓田萬事不堪回首望吾生一夢未曾圓時衆人不曉
所謂乩筆徐又動云三哥爾忘了我麼稽立云得非楊季
老來耶又書一是字於是與諸人問答如平生少頃書曰
我去矣遂寂然不動

楊爾寬者邑人楊惟明子才而夭歿後半月其書室有歎息
聲窺之則無人焉久之漸能言但其語不甚了了人呼其
字則諾夜則入室笑語歷歷如平時如是者三年方滅亦
異事也

縣南岡有卽官第者不知建於何時其棟宇已頽塌無存惟
一門巍然尙在歷風雨霜雪不壞相傳楊筠松過此飯於

瑞金縣志

卷十六

記聞

三十八

逆旅時坐客已滿乃取椅坐之戶外飯畢旣去乃知爲楊
救貧也主人追至十餘里及之懇回爲相宅楊曰無庸汝
歸視吾椅若未動卽於其地造門當生子爲郎官其人歸
椅固在卽其地門焉後其言果驗故其屋壞而門特存若
有鬼神護之者然

雍正間城西有屠牛者縛一牛將殺之其牛忽迸脫奔人城
隍廟伏於階下若告狀然屠人追至怒驅之還宰割未竟
屠人忽發狂疾跳擲不已越數日死又乾隆間屠人鍾某
死葬於華林岡方掩坎忽風雨晦冥雷電交至人皆奔回
少頃開霽見牛百餘頭掀掘鍾墓踐踏棺槨糜爛其屍亦

足爲好利嗜殺者戒

世傳芝草爲瑞物而五色絢爛者尤珍以爲奇乾隆十六年邑人楊及采所居竹西堂產芝數本高尺餘或七八尺圓廣如之紅紫參錯元黃相間重疊駢羅爛如霞紛飛光卿雲耀日觀者莫不以爲祥乃未幾及采病越兩月遂卒或曰物反常則爲妖及采老而無子不應有而有則祥也適以爲妖或又曰是非及采之祥而後來居是室者之祥也其果然歟

龍珠寺後進棟柱一聯云這邊事情到全美處猶未稱心忽的七旬八旬總是一場扯淡因此上雪山中忙倒釋迦吃

瑞金縣志

卷十六

記聞

三十九

麻吃麥受苦耽饑收橫逸魔恐花費眼前口子那畔消息見點光兒有甚把鼻必須千了萬了云何百樣郎當只落得漆園裏笑殺莊周應馬應牛逍遙放曠將順逆境都交付頭上天公窈署云建州鍾大成題字畫道勁聯句鏗鏘先足爲勝地生色惜原刻無存其聯則歲歲書之從不改易

陳三才者撫州人也少以星卜遊於瑞僑寓天符宮道觀旅况蕭然時復抱病每困臥時輒見一女子從棟柱冉冉而來下長身天裊衣服纖麗與語大悅如是數載忽一日風雨晦冥疾雷一聲破棟柱直下一蛇長數尺震死於地三

才昏睡在牀聞雷驚起通身汗下如雨自是病體霍然精神強固因自號雷震子言悉奇中兼習醫道治病多愈求醫與卜者應接不暇遂著籍瑞金以二術長其子孫

釋氏輪迴果報之說吾儒每厚非之乃間有得之聞見確鑿可憑則其說亦不盡誕妄無徵也邑南雲龍橋順治初燬於寇邑侯錢公江謀重修之命紳士某某等持簿勸捐擬往南岡富翁張某家開端行至通盪街忽大雨如注因避入一店主人織涼冠爲業延客入內禮貌甚恭坐良久雨下不止衆恚曰纔一出門便遇雨阻固知此事不諧也織冠者問曰諸公作何好事今將何往衆告以故織冠者曰

此誠好事但不知此簿定須張翁爲簿首耶或凡有銀者皆可書耶衆目樂輸作好事何必張公織冠者又曰然則需銀若干始可開簿衆曰今日事機已悞苟有能應其兆者卽不問多少織冠者乃徐曰某生乎不音妻子不御葷酒售藝所獲除疏食外惟買香奉佛及與同志諸公作蓮池會以修後世今鉄積得銀約五十金欲捐以修橋可乎衆咸曰此固大施主也何過謙爲織冠者遂欣然舉以昇之其店固在橋址之右自是諸紳士督理橋工常憩足於其所或問之曰君常念修後世□不知君後世欲作何等

人織冠者曰吾小人有何奢願吾同會有黃齋公者世居

夏塘家道小康一生好善吾轉世得爲其子孫足矣橋工既訖越數年有諸生胡某楊某卽持簿勸捐人也一日天未明過其店門已啓見二三鄰人集於牀前則織冠者適故二人憶其言卽走夏塘叩黃宅門黃齋公驚曰二公何早也二人遽曰君生兒耶曰然公何由知之語之故因駭歎而別其兒後名道元方乳哺時聞葷腥卽嘔吐遂茹素終其身某年知縣某舉充鄉飲介賓傳曰凡民有願天必從之其信然歟

順治間邑侯吳公亶其人渾渾穆穆於吏治無所長唯培養人才出於至誠毫無矯飾諸生鍾蘊猷其縣試所取第一

瑞金縣志

卷十六 記聞

四十一

名也發案後入謁公知鍾赤貧年近三十尙未娶嘆曰有才若此而竟無人妻之耶公訪得某翁有女未字家頗饒公卽爲作伐一切聘儀奩具悉公贈且諭某翁曰汝但以田五十畝資其讀書足矣擇日成禮鍾後雖屢困場屋衣食粗給皆公之力也至今故老猶傳爲美談

邑東長岡圍朱翁長介生平無他嗜好偶於溪側泥沙中得木假山一段曲節盤根離奇皴透髣髴有虬蟠虎踞萬壑千巖之勢加以磨洗拂拭遂覺古色蒼然深秀可掬翁日對之而拜曰此天生奇物吾何福以消受飲食坐臥未當少離客至能譽之雖樵夫佃客加敬禮焉若不加數賞卽

至友密親弗顧也且屬其子孫吾死必以爲殉邑北危翁修德性好怪一室之內几榻瓶盎香爐枕研悉號天然皆以竹木之拳曲龍鐘瓦石之凹凸壞缺者爲之入其室左右室礙行坐不便翁顧樂之爲人治病一方內必有一二味異名之藥不再三問之不辨也城南劉翁某家養一馬奇愛之不忍騎乘每往鄉輒令人牽之前行已步隨其後人有借乘者翁輒曰取鞍來韝於吾背且以代馬否則自出錢若干曰以代驕資馬不可得也又有鍾翁者喜觀劇聞某處演戲雖遠在十數里外盛暑行烈日中或天雨泥濘衣冠沾漬履屐躑跚勿惜也且必自開場至收場止雖

有急事呼之不應往往從朝至暮自夜達旦目不轉睛人與之語皆若勿聞若四人者可謂以玩好成癖矣

鍾宏灝字應遠邑之當鄉人少時碌碌無異能與兄某同居兄爲之娶妻生一子忽一日宏灝外出不回其兄□行尋訪並無音耗越數十餘年宏灝忽歸持白金數十兩畀其兄云聊以償妻兒衣食之費既晚不入內寢取蒲團於庭中跌坐至天明自是每夕皆然兄亦聽之至冬成鄰鄉演劇忽有丐者數人痠瘳跛蹙腥穢不堪宏灝一見欣然握手共坐墓間歡笑談論更市酒果飲食至夜乃散去嗣後人時時見宏灝與前丐者遊亦不知丐之所自來雍正元

年元日宏灝忽自言曰四川重慶府是日火災大甚踰數月有自蜀中來者云元日大火延燒千百餘家人始異之稍稍就之問未來事宏灝不答既乃忽然去兄不知其何往情人四出蹤跡從水路者回云某日宏灝在縣前搭船赴郡並無飲食衣服之具同舟者呼之食亦食不與之食卽清坐竟日無飢乏狀至贛城上岸遂杳從陸路至汀州至寧都至石城及會昌筠門嶺各路皆有見之者所云時日形狀衣履悉同自是一往不返人以爲此殆有仙術云邑南羅屋巷居民羅宏萃家養一驢駿健異常宏萃甚愛之每乘以出歷七八年無異一日乘至中途共驢忽臥地不起宏萃意其病也試鞭之其驢忽作人言曰翁休矣吾負若錢僅若干今已償足何鞭爲宏萃駭異牽至家繫於槽下次早視之驢死矣此事楊君若紳口述想不妄也

舊按羅宏萃事楊君初得之傳聞後遇宏萃之孫某云其事所傳不盡得其實蓋宏萃始以銀十餘兩貸其里人某某力能而故不償每宏萃向索某輒云翁借銀救予之急予若負心必當死作驢馬以償翁宏萃遂久不復問一日薄暮宏萃坐室內見某從門入呼之不應徑往欄內取火視之則無人而騾驢適產一駒後驢駒長大頗駿健宏萃愛之每乘以出入逾數年宏萃夜夢某

哀告言債已償畢乞遠其券宏萃寤乃取原券於欄內
焚之其驢忽大叫數聲而幾其言尤近實而足爲負心
人炯戒因并載之

南塔寺後殿銅鑄眞武神像左乳隱起制錢一枚輪郭肉好
字跡宛然右乳耳挖一枚相傳某僧立願成此銅像方募
化時有貧女施此二物僧嫌其輕擲而棄之後屢鑄不成
僧虔禱不已謂像若不成已當捨身入爐工人曰師自揣
豈有所負於人耶僧再三回憶日無有惟初出門時有貧
女施錢一文銅耳挖一件余蘖之於池豈此耶工人曰然
師速覓二物來必有濟往尋之果獲投入爐內一傾成像
瑞金縣志

卷十六 記聞

四十四

莊嚴完好畧無虧缺而二物著於胸間隱隱不滅亦靈矣
哉

乾隆十八年臘月初旬近城墳墓多被發掘俱於墳尾挖開
磚槲尺許竊取婦人顛骨間有誤挖男墳則將髑髏拋棄
一夜之間統四郊計算不啻二三百穴地保鳴官查訪賊
竟不可得或曰此野狐之精所爲不知然否而事則殊可
怪矣

書郭義官事

太僕卿 歸有光 常熟人

郭義官日和者有田在會昌瑞金之間翁一日之田所經山
中見虎當道策馬避之從他徑行虎輒隨翁馴擾不去翁

畱妾守田舍率一歲中數至翁還城虎送之江上入山而去比將至虎復來家人呼爲小豹每見虎來其妾喜曰小豹來主將至速爲具飲語未畢翁已在門矣至則隨翁帖帖寢處冬寒臥翁足上以覆煖之翁去復入山如是以爲常翁初以肉飼之稍稍與米飯故會昌人言郭義官飯虎鎮守官聞欲見之虎至庭咆哮庭中人盡仆翁亟將虎去後數十年虎暴死翁亦尋卒嘉靖癸丑翁孫惠爲崑山主簿爲予言此又言歲大旱禱雨不應衆強翁書表焚之有神憑童子怒曰今歲不應有雨奈何令郭義官來今則不得不雨頃之澍雨大降然翁平日爲人誠樸無異術也余

嘗論之以爲物之驚者莫如虎而變化莫如龍古之人嘗有以豢之而佛老之書所稱異物多奇怪學者以爲誕妄不道然予以爲人與人同類其相戾有不勝其異者至其理之極雖夷狄禽獸無所不同子思曰喜怒哀樂之未發謂之中發而皆中節謂之和致中和天地位焉萬物育焉學者疑之郭義官事要不可知嗚呼惟其不可知而後可以極其理之所至也

從舊志錄出

丙戌大水紀事

朱雲映

邑人

瑞邑數罹水患或數年或數十年而一見蓋吾邑山高岸峭江之下流灘石怪矗頰頷斷齧犬牙角立綿亘襍銷束隘

堙道每霖雨下注水輒橫溢四出無平岡漫野以殺其勢
無巨壑大澤以洩其流故汜濫而無所歸宿馮夷得逞志
焉然民雖屢苦之而爲災不甚歲丙戌四月陰霾翳合雨
滂沱十日夜不休五月朔轟濤駭浪噴雪稽天山石崩裂
水從穴中飛湧與雨勢同仇併力而狂近岸居民廬舍漂
割男女騎屋脊上哭聲震天時雲龍橋建未久柱立橫跨
江中浮沉激蕩而至者填塞排擠障流弗通隨橋壓覆遂
盡沒朝陽門大成門同日俱崩城中高者樓居卑者升屋
雨立廛舍崩塌之聲震動山岳魚蝦蝌蚪遊跳庭中蛇虺
緣走屋壁釜甑沉破晝夜無煙編筏操舟者塞於衢巷當

是時也咸自身填魚腹豈復望有生日哉詰旦水殺泥
積平地尺餘深沒股稻梁之畝爲沙礫鱗集之宅爲邱墟
菽粟糜爛不堪食男哭於野女哭於途父子兄弟親戚輿
尸而號泣者遍地老穉露處無片瓦一椽以居身無合米
粒粟以充腹傷哉悲夫邑之災害數百年中莫烈於此矣
狀上聞七月郡刺史朱公星軺飛戾視災於境喟然曰吾
爲天子吏守茲土縱不能致時和年豐俾斯民無夭札疾
厄之患奈何使瑞之民罹禍至此是吾政之不修而仁不
足爲百姓降祥也爰下令編戶計口窮無告者捐俸而給
之粟邑侯郭公承宣德意與有力焉渥澤旣施汪濊洋溢

溝中瘠起哀鴻不鳴莫不歔歔感泣家祝而戶尸嗚呼其亦邑中之不幸而慘極至斯其又邑中之幸而蒙賢刺史之撫摩煦嫗若斯是不可以不書

從舊志錄出

丙戌大水紀事

楊以兼 邑人

丙戌五月朔山水暴漲自拱辰寺汜入東北郊排空濁浪震蕩山岳不減海潮衝倒城垣幾處大成門翰閣縣左青雲閣雲龍橋傍南岸數墩悉行傾圮城內外屋宇一時摧塌不可勝數萬瓦并裂聲聞數里令人心膽俱碎江邊廬舍盡逐濁流暨牛羊器用蔽江塞野浮沉波浪中男女坐屋春呼人救度哀憾殆不忍聞下流雖有舟楫而水勢猛惡

比及救援沉溺已過半矣是日各鄉溪澗皆汜溢驟漲民之受害與邑中無異山谷居高阜處從來不知水患忽然地陷山崩水從中出洶湧亦如溪澗鄉人以爲非干雨致蓋地水耳理或然也次日水殺人家倉廩餘粒未盡淹沒者須日色曝乾猶可救十之一二乃復淫雨連旬逮望後始見晴日而悉已腐爛矣至負郭田產以及遠方或爲橫流衝崩或爲沙土壅塞從此不可成田者約畧數千畝滄桑之變倏爾一朝嗚呼異矣聞之上帝好生罪及暴殄茲番災難自通邑言之沒溺男女數百口暨倉廩器用百物不下數十萬計而上帝若不甚惜豈故以刻待斯民良由

人情巧詐風俗侈靡冥冥降罰昭報不爽實人之有以自致也按邑志大水之災亦所嘗見無如順治丁亥四月爲甚故老相傳以爲自建邑以來所未嘗有歷今六十年城內老屋水痕尙存而今歲水痕更加三尺有咫豈今歲洪水又自開闢以來未嘗有也

從舊志錄出

書七姑神事

署西偏七姑祠明萬歷甲午前縣石有聲建後二十餘年丁巳前縣潘舜歷重修並於祠之前楹建芝亭相傳字甚奇峭今遺失無攷嘉慶乙亥余蒞任詳稽神之所自來說多不經第有其舉之莫敢或廢每春夏之交數日不雨慮農

瑞金縣志

卷十六 記聞

四十八

民之待澤也禱之輒應下至輝庖等偶有疾厄齋沐祈禱其應如響惟薨宇歲久不治思欲新之已諏吉矣忽夢偉丈夫衣冠甚古向余曰我七姑神也數百年來人以七耿七斗頌我支離附會殊覺其不倫子盍爲我撰二語正之余應曰必求其說則鑿矣有益於民斯祀之神之昭昭以爲然否語未竟神卽喜躍去余亦寤此事頗異其真戚姑山之神耶抑紫姑之說其信誣耶因記之時道光二年三月十六日

新增

道光十二年秋九月一夕陰雨四郊墳墓穴掘後孔屍骸

委弃狼籍統計千百餘瑩 邑令飭查數月無踪或言粵
閩盜匪掘劫取男顛婦女交骨和悶香又云狐魅然皆無
可徵較以乾隆十八年則慘倍甚

瑞俗鄉閭多豢豕豕茁長則招市屠至家度重輕議值而鬻
之定議爰束豕納大籠中舁送於屠門方舁去時婦孺輩
悉高聲連呼曰大豕兒要回來以示相愛不能舍之意咸
豐初高嶺劉某連歲所飼豕皆暴長獲利較他家倍三年
春畜一豕肥碩尤迅鬻定舁以往家人競呼之豕作人言
在籠旋應曰我負爾債畢償矣弗來矣如是者再屠及衆
皆駭怪令舁者釋其束以歸主人某收而復飼之不忍更

鬻歷數年豕亦閭然無他異以老殪於柵

同治七年冬廩生陳蒸病劇昏不知人恍惚至一公廨如撫
藩署棟宇皆光明神麗有擘窠書楹聯云世界光華滌慮
洗心佇望爾陰曹冥漠彰善瘴惡莫逃予瞻之悚然忽一
老人促之行既出方覓歸途聞呼號聲頓甦蓋家人繞牀
灌湯藥施鍼灸已踰半日矣嗣調治浹旬而愈蒸素啟樸
嘗述此語人當非虛誕第未知所至何所也

夏埧生員陳芬於道光三十年春與族叔生員名計者赴雩
之曲洋市市屠買一牡牛將詰朝宰之牛於稠人中忽奔
二人前號鳴跪伏如乞救狀屠遽箠之起頃迎跪如前芬

心惻爰償屠者值牽以歸寄牧於計家尋斃觀此則畜物
具有靈性抑或釋氏因果輪迴之說不盡屬誣而儒者亦
隨在可以行仁術矣

舊志告諭附

嚴禁退脚科斂名色示

康熙四十三年

朱三錫

吳縣人

爲光棍結黨捏訟苛民踞租勒退泣陳飭縣鐫碑永禁以全國賦以靖亂源事本年四月初六日奉護理江西巡撫印務贛南道副使徐批據瑞金縣民劉汝用楊萬興鍾良才管正亨李天盛曾永泰鄧應昌等具呈前事詞稱從來租從田出稅賴租供瑞邑山陬僻壤田少山多價值倍于他鄉仍畝田一石除完正供之外餘剩無幾兼之界連閩粵土著十之二三流寓十之六七主弱佃強每時平則結黨稱雄歲歉則乘風鼓浪豎旗抗租彼享無稅之田此納無租之賦是以剝肉

瑞金縣志

卷十六

告諭附

五十一

醫瘡只得吞忍起田自種詎意一呼百諾烏合蜂起揭竿聚衆創立退脚之說每畝勒銀一兩不等方肯還田否則踞爲己業任彼更張卽如向年巨魁何志源黃憲章之聚衆攻城竟至請兵誅剿近年甯都之李矮子譚聖先之焚殺淫擄後經

題咨磔市蹂躪地方俱由踞租發難事詳縣志鑿鑿可攷今隔數十年來主佃相安無事突遭革蠹彭兼六積惡殃民謀爲亂首四十一年假充佃戶飄捏虛詞誑聳署藩憲韓未經歸結私自豎碑旋卽註銷復于四十二年串同邪教黃淑行兄弟一虎四彪稱爲密密教主聚衆燒香號爲明蠟日散夜聚簧惑鄉愚復襲前轍仍捏由田主苛刻之虛情陰遂苛派倡

亂之狡計全無受害眞贓不由府縣控理詭名黃茂衡等越
聳前院批回縣查昨經署縣審明虛誑口供鑿鑿詳覆憲臺
已經洞察奈惡千百成羣沿門索派踞田抗租愈猖愈熾奇
逢天憲明並日月威若冰霜激濁揚清興利除害用是匍匐
千里號轅乞念事關禍亂賞飭府縣勒石嚴禁退脚不許聚
衆踞田追贓究擬遞解回籍永禁入境併將僞碑撲滅庶亂
源永息地方安甯造福無涯等情本年三月奉批黃茂衡等
踞田抗租已經該縣審詳批行發落矣今爾民既稱異籍流
棍成羣索派實爲民害仰瑞金縣查明彭兼六黃淑行黃茂
衡曾桂茂陳用秀郭世望藍永祥邱左卿邱振祥吳翰生藍
君德李惟上等原籍遞回安業仍勒石嚴禁退脚科斂名色
具碑模報查可也等因奉批到縣爲此勒碑嚴禁各鄉佃人
嗣後遵照憲行嚴禁退脚科斂名色如有刁佃踞田抗租仍
蹈前轍許該田主指名星控以憑嚴拏申解上憲究治各宜
遵守慎之毋違

嚴禁雲龍橋造店示

乾隆九年

唐

紀都勻人

爲公修石橋頒禁造店賞示勒碑以垂永久事奉贛州府正
堂汪憲票開奉布政司彭憲票內開奉巡撫部院塞憲批據
瑞金縣歲貢生楊其重賴定俸舉人鍾泰嶽監生劉份黃承
章生員楊枝鼎等具呈前事詞稱瑞邑雲龍橋爲四方孔道

古建木橋歷阨于水火至康熙三十七年縣主田及本縣舉人楊方英等分簿勸輸易木以石橫一丈六尺直六十五丈兩傍排列石欄行人稱便因康熙四十五年洪水衝倒中甕乃暫架木于石墩之上以通往來不意射利之徒乘中甕架木遂將雨窻石欄漸次拆去踞造店房以致橋路逼仄行人擁擠往來如入暗室匪類潛藏且因店內失火屢遭回祿延燒兩岸民房橋石亦被毀壞崩裂每于火焚之後橫強互相爭踞鬪歐成訟乾隆七年十二月十六日橋復失火灰燼一空生等目覩心傷冀復石橋原規呈詳府批准修復合邑士民踴躍樂輸興工修造又逢府主因公臨瑞親詣踏勘諭橋

屬公物原以利濟行人豈容私踞作店茲橋功將次落成石墩石欄完好整齊誠恐積弊復萌仍蹈故轍爲此頒恩永行嚴禁在橋架造店房及擺攤之人搭篷蓋廠霸踞以爲己有賞示勒石以杜弊端以垂久遠庶石橋之舊制長鞏萬年而利濟之仁恩永流百世上皇等情奉批橋梁惟取通達往來該地又當孔道原須寬畱橋面方免擁擠自不得以修費爲名建屋于上開店取租無益于行人而徒滋他慮仰布政司轉飭該府永行禁止具報等因批司仰府轉行到縣奉此除勒石永行禁止外合行出示曉諭爲此示仰闔屬諸色人等知悉恪遵憲禁倘敢故違定卽嚴拏詳究各宜凜遵毋違特

諭

恭修

上諭亭
文廟
勸諭士民示 嘉慶二十一年

蔣方增 陽湖人

爲實力勸輸共襄義舉以垂經久事照得瑞邑民風素稱淳厚樂善好義代不乏人茲查

文廟

大成殿及東西兩廡均多滲漏間有坍塌泮池現亦倒敗周圍牆垣鼓裂

上諭亭正殿一間樑柱黓朽瓦椽霉爛

君師首重亟宜敬謹修葺此外考棚東西兩廡坐號樑柱歪斜風

瑞金縣志

卷十六

告諭附

五十四

雨堪虞傾圮在卽來春屆歲試之期急須修整又查北城外先農壇地基高聳該處卽志書所載毓秀臺據紳士人等僉稱於瑞邑文風頗有關礙且佃戶人等刁蠻強橫轉致主弱佃強未始不由於此現擬將

先農擅改移平地將原基仍復毓秀臺故址他如

城隍廟四圍牆垣各處俱有坍塌西城更爲倒敗城樓亦多黓朽急須購料修理若再遲延必致全行崩坍工費更屬浩大以上各處皆就瑞邑現在緊要之事急需勸諭捐輸次第興修爾等紳士齊民具有身家尊

君親上之思維桑梓之誼樂施好善人有同心本縣現在會同

儒學選擇誠實勤幹紳士人等官給印簿親赴城鄉各處實力勸捐凡我士庶務須踴躍急公從厚捐輸以本邑樂助之貲成本邑美善之舉揚名貞石垂示無窮如有捐數過多者則照例詳請褒獎如有一鄉一族捐數倍於他人本縣亦當詳明給扁獎勵將來志乘褒揚芳名不朽想我紳士軍民人等無不鼓舞樂從爲此出示勸輸仰闔邑人等知悉爾等速將捐貲數目親填印簿幸勿稍存吝惜觀望遷延此係合邑公事不論城鄉紳士及鋪戶耆民人等均須一律捐輸以成義舉本縣計日以待俟有成數卽擇期興工將來一切修理章程現在悉心籌畫務使功歸實在斷勿致浮費虛耗有始無終本縣爲地方公事起見爾等各宜盡力是所厚望

瑞金縣志

卷十六

告諭附

五十五

嚴禁各姓宗祠約束子弟不許恃衆逞兇示

嘉慶二十三年

爲諄切曉諭事照得各姓祠堂原爲敬祖睦族而設紳士耆民爲族衆之表率每遇春秋祭祀應將孝悌禮讓數事諄切告誡俾合族子弟咸知爭鬪健訟斷不可爲安分守法可享

盛世太平之福耕讀傳家豈不甚善無如瑞邑惡習相沿祠堂各產每藉訟案開銷因而狡黠之徒從中播弄無知之輩深信妄爲或執遠年故紙或因口角微嫌爭山告墳訐訟靡已官斷中處固執不休必至用盡公堂身家烏有而後已並有擅動祠費宰牲擺酒聚集本族年輕好事之徒開懷暢飲若

輩本無知識一入醉鄉置

國法於不顧等性命如鴻毛持械打降拋棺折屋無惡不作及至官長拘拏復又潛蹤避匿無論官訪差拘終難漏網試問若輩滋事族中衿監能脫身事外乎況聚衆抗官罪名極重一經動衆玉石難分按律申詳萬難寬宥父兄之教不先子弟之率不謹古人明訓豈竟無聞本縣深憫無知今特會同儒學出示曉諭再三教誡嗣後各族紳耆每遇祭祀之期務將本縣訓諭反復勸說卽有紛爭亦宜善爲排解切勿幫訟滋事耗費公堂毋以強凌弱毋以衆暴寡毋爭小利毋挾私仇有事化爲無事方是爾紳耆睦族之道至於聚衆打降拋棺折屋等事尤宜深戒該族卽有無知後輩得爾紳耆切實化誨自可改革從善設遇頑梗不化強蠻刁健之徒應先據實稟官懲究若言諄聽藐聚衆滋鬧一經犯事到官

王法森嚴斷難輕恕爾紳耆不遵示諭嚴行管束子弟定行革究勿謂言之不預也凜之凜之

嚴禁婦女外門不許幫訟示

嘉慶二十三年

爲嚴禁婦女外門幫訟以除惡習事照得婦女有三從之義在家從父出嫁從夫夫死從子此千古不易之常經世人所共曉者也况婦人謂嫁曰歸以順爲正果能孝順姑嫜和睦妯娌翁姑必加憐恤丈夫自當親愛偶有疾病斷不視同膜

外若生有子嗣則母子天性屬毛離裏更切于人何勞外氏干預乃瑞邑惡習相沿女嫁于人平時並不見十分顧恤惟患病身死若不看明棺殮則稱身死不明夫亡改嫁若不分給財禮則稱謀產逼賣甚至妯娌口角微嫌戚隣鼠牙細故無知婦女往往經投外氏而愍不畏法之徒自恃族大人衆糾集多人前往幫助或將人毆傷或器物打碎滋生事端情同化外至若因貧因病或因翁姑訓斥自縊自溺自刎服毒之案本屬孽由自作與人無尤則必架捏大題赴官控告牽連誣捏以冀遂其索詐拖累之心此等澆風在婦女至親的屬敢于爲此已覺可恨乃有伯叔兄弟子姪等類亦飾詞控

王章可惡情形不一而足凡爾居民有妻子卽有外門何可互相效尤自貽伊戚合行剴切曉諭爲此示仰合邑軍民人等知悉嗣後爾等女已嫁人或自幼抱養與人則女之終身應聽夫家主持訓育若患病身死修短有數豈能停屍腐臭等待外氏看明若既經棺殮而外氏藉詞興訟者定當擲詞不收婦人夫亡改嫁應翁姑尊長主婚若有外門親屬干預告□亦斷不准行至婦女口角細故往投外氏外氏敢于幫護一經指稟立挈重懲至因貧病等項自盡外氏藉端訛詐亦必照例嚴懲究辦均不姑寬至于婦人敢于聽唆出頭捏情

告訐混肆潑鬧近因山東新案謹奉

諭旨婦女肆潑應照男子一體治罪不准收贖例禁森嚴斷不能稍從末減爾居民亟宜痛改惡習互相警惕嚴行管束勿再蹈此故轍凜之凜之

嚴禁惡習示

嘉慶二十四年

爲曉諭事照得本縣蒞任斯土三載于茲土俗民風均所深悉大抵居民安分良善者固多而遊手好閑桀驁不馴者亦復不少幸際風調雨順比歲豐收相安無事然民間易犯亟須禁止者尙有數條本縣爲民父母不得不再三勸誡反復開導列示于後爾等其熟思之

瑞金縣志

卷十六

告諭附

五十八

一禁逞兇 好勇鬪狠古訓所戒金刃傷人例禁尤嚴誠以刀乃無情之物鋒刃銛利觸人肌膚輕則破皮出血重則筋斷骨傷釀成人命身禁牢獄家業消亡比比皆是其咎皆由動輒持刃之故本縣屢經示諭奈鄉蠻愚蠢一時氣忿罔顧身家自後務須愛惜身命一切防夜防身尖刀等類概不許用無故持刀嚴行禁止

一禁聚衆 鄉隣有鬪閉戶亦可誠以事不干己畏受拖累也瑞邑鄉間有等好事之徒每因口角微嫌或錢債細故動輒聚集多人圍屋沖搶滋生事端皆是族大人衆之故且被糾之人到官審訊于事之原委理之曲直有懵然罔

覺者輕舉妄動實堪痛恨嗣後各鄉居民毋得以強凌弱以衆暴寡遇有牙角之爭祇准赴官控訴聽候剖斷不得擅自糾衆滋事倘事不干己尤不許妄自出頭致罹嚴譴

一禁偷竊 物各有主無分而取卽屬偷竊訪聞瑞邑現當收割之際守望較嚴而賊匪竟敢三五成羣肆行竊取膽玩已極現已飭捕嚴拏該匪徒等務宜革面洗心迅速解散一經拏獲定卽盡法嚴辦決不稍寬時已秋令轉瞬交冬饑寒交迫易生覬覦凡爾居民各宜小心門戶嚴密蓋藏總宜防患未萌不可慢藏誨盜庶宵小難以伺隙賊風于焉少息

一禁洗窩 鼠竊狗偷殊爲地方之害是以本縣遇有送賊到官如果賊真贓確無不盡法嚴懲其介在疑似者不得不詳細推求誠以誣良之咎重于偷竊不可不慎愚民無知偶遇失竊動輒搜贓甚至取人什物毀人房屋名爲洗窩卽使正賊真窩爾等居民何得自行拆搶顯蹈專擅之罪設事鮮確憑追悔何及嗣後爾等失竊只准報官差緝設或訪有蹤跡亦應赴縣稟報差拏到官照例辦理立身于無過之地豈不甚善不得擅自搜抄拆屋滋生事端至干重罪

禁賭博 賭博最爲民害輸極無賴必致流爲賊匪是以

例禁森嚴屢經本縣嚴拏懲辦茲訪聞鄉間仍有開設花會寶廠抓攤等愆不畏法實堪痛恨除設法嚴密拏究外爾等賭匪亟應痛改前非速行停撤各鄉各姓紳衿士庶均宜約束子弟一村則各禁一村一姓則各禁一姓毋許聽誘賭蕩賭風少息而賊風亦漸泯矣

一禁鴉片 鴉片烟來自外洋爲害最烈吃久成引刻不可離數人衣食之資不敷一人呼吸之用既易戕生更干法紀蚩蚩愚氓何苦食此毒物執迷不悟耶嗣後爾等宜惜性命速行戒斷如有外來匪徒攜烟入境售賣責成各地練查稟立拏究辦決不姑寬

瑞金縣志

卷十六

告諭附

六十

以上各條皆瑞邑民間錮習本縣列款示禁凡爾紳衿士庶務宜父詔其子兄勉其弟各自禁約同享太平之福此本縣數年來愛民息訟諄諄勸誡之意實有厚望焉

議修邑志示

道光元年

爲酌議事照得瑞邑志書修自乾隆十八年迄今已閱七十年之久亟宜修葺今奉州憲倡修州志諭將瑞石二邑志採入附刊洵爲盛舉本縣于去年已邀請城鄉紳士公議今擇于二月初八日在考棚設局興修所有志局草創規條先行開列

一縣志爲一邑文獻所關自應專修成書以資攷證非僅爲
附入州志而設

一修志條例頭緒繁多今開局後城鄉各姓將應行採入事
實如孝友事功義行文藝節烈耆壽之類或家譜或記載
或詩文集各項先行呈縣取確實有據者由縣發局分類
採錄以便排纂成編如有私自交局不先呈縣查核者一
概不准

一舊志以輿地營建秩官選舉人物藝文六志分卷各附小
目若干體例不無舛雜採錄亦多冗濫今以輿地田賦營
建秋官選舉人物藝文雜志八志分卷凡邑中七十年來

瑞金縣志

卷十六 告諭示

六十一

應增補事蹟分門纂錄如老壽曾邀

恩獎者卽歸耆壽一門節婦曾邀

旌獎及家貧無力請

旌取有族隣切結者歸節婦一門餘各倣此錄出俟各類輯成
纂訂底本內有應刪應添及文藝未優者本縣另請文行
兼優之士討論潤色總期斟酌盡善大雅無慚再繕正本
以付剞劂

一志書有一定體裁間有文章行誼祇可載之家乘昭示子
孫於體例不應濫入邑志者書成時不能阿意登載修志
爲一邑公事勸善興賢徵文攷獻必得無濫無遺足以信

今傳後方爲無憾

一志局應備查閱之書甚多几經史子集及近年名家著述有必須借閱以備參攷者局中設立檔冊注明年月日姓名或原書殘缺者并注明原缺某卷某帙若干免致遺失損壞城鄉讀書家如有書籍可借幸勿吝惜

一城鄉祠廟橋渡各處碑碣不拘新舊如有文義淵雅事蹟可採者應令人摹搨以備採錄

一瑞邑素稱尙義自本縣蒞任興修

上諭亭

文廟考棚南樓毓秀臺城隍廟各處均賴城鄉紳耆士庶樂善好

瑞金縣志

卷十六

告諭附

六十二

施方能一律完整氣象光昌己卯已發鄉科著有明效今修志一事係地方必不可緩之事惟在在需費應預爲籌畫以資開局後應用

一修志非興修別項工程可比若仍請在城紳士紛紛下鄉既須多費夫力且亦曠日遲久本縣素悉捐輸樂助出自公堂居多雖各姓貧富不一樂助多寡不同此次修志各姓公堂議出樂助若于不必觀望他姓并卽舉出老成紳士一二人無紳士者卽舉一二耆老將樂助踴躍交局由本縣給發收票黏貼該姓祠堂使衆咸知一面將該族應送本縣核取事實卽行呈送核明發局纂入如有自出己

貲不在公堂捐寫者更見嘉惠桑梓尙義急公不拘多寡
卽自行送局現在本縣設立修志樂輸總簿開局後各紳
士人等有願就近赴考棚書寫者可省城鄉往返之煩亦
聽其便

以上各條均修志要務爲合邑文獻攸關各宜踴躍遵
行以成一邑不朽之盛事本縣期與諸君子共勉焉

新增

育嬰堂告諭

同治十二年

爲出示嚴禁事據貢生鍾觀治職員楊世秀等稟稱遵奉示
諭在南關內重建育異堂一所原爲貧家生女艱莫能育者

瑞金縣志

卷十六

告諭附

六十三

送入堂內爲之乳養酌給資用以保嬰命現在工將告竣恐
有往來官商暫假公館本邑紳民移借寓居理合公請示禁
等情到縣據此除批示外合行出示嚴禁爲此示仰閭邑紳
商諸色人等知悉爾等湏知育嬰重地理宜靜潔不得在於
該處借作公館客寓自示之後如敢故違許該局首事指名
稟縣以憑拘究決不寬貸其各凜遵毋違特示

雲龍橋告示

同治十三年

勒石嚴禁以垂久遠事照得本縣查閱志乘雲龍橋爲四方
孔道古建木橋歷阨于水火至康熙三十七年田前縣及舉
人楊方英等分簿勸輸易木以石橫一丈六尺直六十五丈

兩傍排列石欄行人稱便因康熙四十五年洪水衝倒中甕乃暫架木于石墩之上以通往來不意射利之徒乘中甕架木遂將兩傍石欄漸次拆去踞造店房以致橋路逼仄行人擁擠往來如入暗室匪類潛藏且因店內不戒屢遭回祿延燒兩岸民房橋石亦被燬壞崩裂每于火焚之後橫強互相爭踞鬪毆成訟乾隆七年十二月十六日橋復失火灰燼一空歲貢楊其重等呈詳 贛州府憲批准修復合邑士民踴躍樂輸興工修造並稟奉 前撫憲賽批橋梁惟取通達往來該地又當孔道原湏寬留橋面方免擁擠自不得以修費爲名建屋于上開店取租無益于行人而徒滋他慮仰布政

舊志書目附

宋

縣務綱目二十卷 劉鵬撰

明

讀史四集 非非室集 名臣言行錄 京學誌 皇明奏

疏 楊以任撰

望江樓集 謝元璇撰

史晶 搜奇錄 壁經正 楊兆隆撰

四書辨魔 君子錄 謝長良撰

國朝

瑞金縣志 卷十六 書目附

六十五

影居文集 楊長世撰

連峯樓詩集 謝適撰

適園集 楊以兼撰

汲亭詩文集 楊以叡撰

澹齋集 劉瑋撰

強恕齋集 強恕齋制藝 楊以儼撰

四書液 楊枝衍輯

頤堂詩稿 楊以凌撰

寓鴻亭集 楊兆鳳撰

鴻雪吟 秋水集 持世書 謝重拔撰

五家文鈔 張尙瑗合楊氏五子文

餘堂集 餘堂集句 楊兆涑撰

栩栩園集 楊兆年撰

悟雪堂草 楊永植撰

鈍齋文鈔 楊兆嶠撰

勸懲錄 楊兆嶧輯

靈異新編 楊兆嶧輯

地理糟粕 管志甯撰

狎鷗亭集 大夢文稿 楊枝遠撰

鏡亭草 韓山偶吟 楊中子時文 楊于位撰

瑞金縣志 卷十六 書目附

六十六

默堂詩鈔 楊方立撰 道光二年刊

字林考韻 楊兆洞輯

遣光堂遺詩 楊方萌撰

延綠亭遺草 楊于仕撰

檢齋文鈔 賴聖儻撰

豆亭詩 楊兆涉撰

遠塵堂文集 陳尙恬撰

潔齋集 楊于佩撰

釣亭詩 楊方漁撰

柯亭詩 楊方樵撰

睦堂詩鈔 楊枝遠選族人詩

笑園集 楊枝雲撰

雲肆詩草 朱芾撰

稻香園稿 楊綠撰

凝虛堂集 楊長縉撰

大約堂詩草 楊士章撰

鷗盟詩草 楊以辨撰

蝶夢詩草 楊方廸撰

周易定本 地理規正 朱愈齡撰

痘症辨訛 朱大仁撰

瑞金縣志 卷十六 書目附

詩文彙函 劉用恭撰

勁廬詩稿 還珠集 賴傳炳撰

臥雲山房稿 郭一鳳撰

蘭室詩稿 謝蕙撰

介園集 詩韻彙選 劉漢冠撰

靜廬草 劉漢遷撰

尤己堂草 賴時蕡撰

松竇集 釋行起撰

尊聞居士集 羅有高撰 板存蘇州彭氏

品月堂草 釋通柚撰

樺堂詩草 釋源江撰

瑞金縣志

卷十六 書目附

六十八